

# LE TRIVM

PHE DE LAMANT VERT

comprins en deux Epistres fort ioyeuses

Enuoyees A madame Marguerite

Auguste composees par Iehan

le Maire de Belges indici-

aire & Hystoriogra-

phe de la Royne

Auecqs plu-

35.\*

sieurs let

tres

missiues amoureuses Plusieurs balades & Rô  
deaux nouveaux Comme plus amplement  
vo<sup>9</sup> pourrez veoir en la table qui est en la fin  
de ce present Libure Le tout Imprime  
nouuellement a Paris.

\*On les vent en la grant salle du Palays  
au p<sup>m</sup>ier Pillier en la boutique de Denys  
Janot & en la Rue neufue nostre Dame a  
Lenseigne Saint Iehan Baptiste pres sain  
cte Geneuiefue des ardens.

ALLETRIUM

PHEDDE DAMAVI VERT


Le Maître de l'École de Paris

à Paris le 15 Mars 1777

à Monsieur de la Harpe

à Paris

On les vend en la grande salle du Palais  
au Bureau Public en la boutique de  
Monsieur de la Harpe au Palais  
National à Paris.  
Le Maître de l'École de Paris  
à Paris le 15 Mars 1777  
à Monsieur de la Harpe  
à Paris



\* Jehan le Maire de Belges tres humble di-  
sciple & loingtain imitateur: des meilleurs  
Indiciaires & hystoriographes.


\* Au sien tres singulier patron & protecteur  
maistre Jehā Perreal de Paris. Paiētre & var-  
let de chambre ordinaire du roy treschrestie

\* Salut,

**Q**ar les tiennes dernieres lettres tres-  
chier & honorable amy: adressees  
au noble & magnificque seigneur:  
cheualier messire: Claude Thomas-  
sin: capitaine de ceste tres noble cite Lyonnoi-  
se. Et conseruateur des Foires dicelle.

\* Iay veu & entendu commēt nostre premie-  
re epistre de lamant Vert: a des pieca trouue  
Grace deuāt les yeulx de la royne. Voire tāt  
quelle la ramentoit encores quelque fois. a la  
tres grande felicite & bonne aduventure de ce  
luy mien si petit: mais tresioyeulx labeur.

A. ii.



## Prologue.

\* Dõt comme ie fusse prochain de mettre fin a l'impression du premier libure des Illustrations & singularitez. Le me suis aduise que ce ne seroit point chose mal seant: ne desagreable aux lecteurs: de aussi faire imprimer ladicte epistre. A tendu quelle est fauorisee par l'approbation de ladicte tressouueraine princesse. Et encores y adiouster la secõde. Pour estre ensemble publiees: soubz la tresheureuse guide & decoration de sa haultesse & maieste tresclere. A laquelle: sil te plaist: pourras faire vng petit & humble present de la lecture: du tout tel quil est cõme de ta chose propre mieulx que mienne. Car tout ce peu & tant que iay de bien: procede de ton amytiẽ: beniuolence & auancement. \* Le tout puissant te conserue longuement heureux & prospere,

\* Sensuit la premiere epistre de Lamât Vert  
A madame Marguerite Auguste.



Il est ainsi fille au hault empe  
reur

Fille a Cesar ce puissant con-  
quereur

Sil est ainsi que autrefois par semblant  
Ayes ayme ce poure corps tremblant  
Qui de tes mains ne prendra plus substance  
Las seuffre vng peu ta haultesse & prestance  
Tes beaulx yeulx clers : pour vng hault be-  
nefice

Prester lecture a ce derrain office  
Derrain diz ie: quant a moy qui tescryptz.  
Car mettant fin a mes chantz & mes criz  
Le delibere: & sans fainte propose  
A mes briefz iours mettre certaine pose  
Car & comment: pourroit vng cueur si gros  
En corps si foible: & si petit enclos  
Passer le iour que de moy te depars  
Sans se creuer. & pourfendre en deux pars

A.iii.

La premiere epistre

O demy dieux: o Satyres agrestes  
Nymphes des boys: & fontaines propettes  
Escoutez moy ma plainte demener  
Et tu Echo: qui fais lair raisonner  
Et les rochiers; de voix repercussives  
Vueille doubler mes douleus excessives  
Vo<sup>9</sup> scauez bien q̄ les dieux qui tout voyēt  
Tel bien mondain: tel heur donne mauoient  
Que de plus grant ne iouist oncques ame  
Vouscongnoisiez q̄ pour maistresse & dame  
Iauoye acquis par dessus mes merites  
La fleur des fleurs le chois des marguerites  
Las double helas: Pourquoi doncques la  
persie  
Pourquoy peult rant infortune: & sa verge  
Qui mainteffois celle dame greua  
Elle sen va: helas elle sen va  
Et ie demeure icy sans compaignie  
Elle va veoir la noble germanie  
Elle va veoir le roy Romain son pere

A ma dame Marguerite Auguste

Et lautre Roy son seul frere prospere  
Et tout sans moy: Helas quayie meffait  
Tay ie despleu O chief deuure parfait?  
Ayie nonce chose qui face a taire  
A riens meffaiet ton humble secretaire  
Qui plus a sceu de ton priue secret  
Quautre viuant: tant soit saige ou discret  
Helas nenny: Mais fortune ennemie  
Me grieve ainsi ma maistresse & mamye  
Et faulx espoir que iauoye duser  
Mes iours o toy ma voulu abuser  
Or doy ie bien hayr ma triste vie  
Veu que tant tay par terre & mer suyue  
Par boys: par chaps par montaigne & vallee  
Et que ie tay mainteffois consolee  
En tes dangiers naufrages & perilz  
Esquelz sans moy nauoys ioye ne riz  
Et maintenant tu laisses ton amant  
O cueur plus dur quacier ou diamant  
Iusques a or: ie ne tay fait offence

A. iiii.

La premiere epistre De Lamant vert

Mais plus ne puis mettre obstacle ou defféce  
Que de rigueur ien vse en mon epistre  
La ou ma langue oncques mal ne sceut tistre  
Certes tu es (dirayie ce dur mot)  
(Mais pourquoy nō, quāt nul q̄ toy ne mot)  
Tu es cruelle; ou au moins trop seuer  
Veu que ton oeil qui en dueil perseuer  
Nayme couleur finon noire & obscure  
Et na de vert, ne de gayete cure  
Or pleust aux dieux q̄ mon corps assez beau  
Fust transforme pour ceste heure en corbeau  
Et mon colier vermeil & purpurin  
Fust aussi brun qung more ou barbarin  
Lors te plairoys ie: & ma triste laideur  
Me vouldroit mieulx que ma belle verdeur  
Lors me seroit mon dommaige & ma perte:  
Tournee en gaing & recourance aperte  
Vienne quelqung qui de noir attramment  
Tienne mon corps & mon acoustrement  
Mais impossibile estoit que ma vesture

A ma dame Marguerite auguste

Peust recepuoir nulle noire tainture

Las vienne aucun: au moins qui a ton oeil:

Face apparoir de vert que ce soit dueil

Mon cueur se deult: combien que dun vert  
gay

Soit mon habit comme dung papegay:

Et fault il doncq: se ne mest deliuree

De par nature vne noire liuree

Que hay soye: & que frustre ma voye

De ton regart, qui prens or autre voye

O dur regret qui me vient courir sus.

Seray ie donc vng autre Narcissus

Ou hippolite: ausquelz leur beaulte propre

Par grant meschief: causa mort & opprobre

Le voy que ouy, & que mon propre chant

Mest vng couteau mortellement trenchant

Las se ie parle & ciffle & me degoyse

Et quen chantant ie maine douce noise

Ce nest pour moy, mais pour toy resiouyr:

Le me taire son ne me veult ouyr.

La premiere epistre de lamant vert

Ains quon me laisse en ce lieu solitaire  
A moy moleste & a nul salutaire  
Las ie voy bien que trop me nuyt mon plait  
Veu que plaisir & ioye te desplaist  
Si seray dit (quant trop ie mesuertue)  
Le pellican qui de son bec se tue  
Bien peu sen fault que celuy ne mauldie  
Qui me donna tel grace & melodie  
Par trop m'apprendre de dictiers & chasons  
Dont autrefois tu aymoies les doulx sons  
Et me baisois: & disois mon amy  
Si cuidoie estre vng dieu plus que a demy  
Et bien souuent de ta bouche gentille  
Mestoit donne repas noble & fertile  
Que dirayie dautres grans priuaultez  
Parquoy iay veu tes parfaites beaultez  
Et ton gent corps plus poly que fine ambre  
Trop plus que nul autre varlet de chambre  
Nu: demy nu: sans atour & sans guimple  
Demy vestu en belle cotte simple

A ma dame Marguerite Auguste.

Tresser ton chief tant cler & tant dore  
Par tout le monde ayme & honnore  
Quel autre amant. quel autre seruiteur  
Surpassa onc ce hault bien & cest heur  
Quel autre aussi: eut onc en fantasie  
Plus grant raison d'entrer en ialousie  
Quant mainteffois pour mon cueur offoller  
Tes deux mariz ie tay veu accoller  
Car tu scez bien qung amant gracieulx  
De la dame est ialoux & soucieulx  
Et nonobstant aucun mot nen sonnoie  
Mais a part moy grant ioye demenoye  
En deuilant & faisant noise & bruyt  
Pour nempescher de ton plaisir le fruit  
Bien me plaisoit te veoir tant estre aymee  
De deux seigneurs de haulte renommee  
Lung fut despaigne, & lautre de fauoye  
Que plus bel homme au monde ne scauoye  
Bien me plaisoit le veoir chanter & rire  
Danser: iouer: tant bien lire & escripre

La premiere epistre de Lamant vert

Plaidre & pourtraire: accorder monocordes  
Dont bien tu scez faire bruire les cordes  
Mais maintenant tout cela tu reboute  
Et ne fais fors esprendre pleurs & gouttes  
De tes beaulx yeulx: qui i amais ne sont las  
Sans plus querir ne plaisir ne soulas  
Parquoy ie suis de toy mis en oubly.  
O mon las cueur damour trop ennobly  
Pourras tu bien endurer a toy mesmes  
De perdre ainsi la princesse des femmes  
Destre priue desormais de la veue  
De celle qui dhonneur est tant pourueue  
Viuras tu bien tout seul en ceste tour  
En attendant son desire retour  
Non pas tout seul: car aussi du pays  
Duquel ie suis: demeurent esbahis  
Auecques moy: le quin & la marmotte  
Dont la tristeur desia leur mort denote  
Prisonniers sont: leur lieffe est perdue  
Et sont liez par grant rigueur non deue

A ma dame Marguerite auguste.

La nen viuront absentz de leur maistresse  
Aincois mourront de langueur & tristesse  
Aussi fera Brouticque leur compaigne  
Fille a Brutus: dont parle encore Espagne  
Elle de dueil les enfans nouueaulx nez  
Après sa mort seront tantost finez  
O poures nous, o trestous miserables  
Iugez a mort non iamais secourables  
Mourrons a coup puis que nostre princesse  
De nous s'ellongne: & de nous aymer cesse  
Bien vont o elle: vng tas doiseaulx raptours  
Et chiens mordans peruers & latrateurs  
Et nous helas innocens: & qui sommes  
Fort approchans la nature des hommes  
Elle nous laisse en pays estrangier  
Qui de sa main soulions prendre a mengier:  
De sa main propre & blanche & delicate  
Ha Marguerite, a peu diray ie ingrater  
Ie te puis bien faire ores mes reproches  
Puis que de mort ie sens ia les approches

La premiere epistre de lamant vert

Long tēps ton serf: long tēps ton amy chier  
A ton leuer: a ton noble couchier  
Depuis zelande en Grenade & par tout  
Suis ie venu de mon seruice a bout  
En ce lieu cy mortifere & funeste  
Ou va vollant vng ange deshonneſte  
De punaisie & de vermine immunde  
Ou iay perdu la fleur de tout le monde  
Le duc mon maistre: & la duchesse apres  
Dont le remors me touche de trop pres  
Est ce deserte, ay ie cecy mery?  
Ha le pont dains. que fusſe tu pery  
Lieu execrable anathemathise  
Mal feu puiſt estre en tes tours attise  
Au moins princeſſe en extreme guerdon  
Ie te requiers & te ſupplie vng don:  
Ceſt que mon corps ny ſoit enſepuely  
Ains le me metz en quelque lieu ioly;  
Bien tapisſe de diuerſes flourettes  
Ou paſtoureaux deuſent damourettes

A ma dame Margüerite Auguste.

Ou les oiseaulx iargonnet & flaiollent  
Et papillons bien coulourez y vollent  
Pres dung ruisseau: ayant lunde argentine  
Autour duquel les arbres font courtine  
De fueille vert de iolyz eglentiers  
Et daubespins flairans par les sentiers  
Bien me peulx faire honneur de sepulture  
Veu qung corbeau de tant noble nature  
Fut honore & eut obseque humain  
Ou temps iadis par le peuple Rommain  
Mó tumbel donc: ainsi mis en grant pompe.  
Pourueu q̄ espoir ne me decoiue ou trompe  
Sil aduient lors que pelerins passans  
Cherchant vmbraige & les lieux verdissans  
Pres de ma tumbé en este se reposent  
Et que dessus la pierre marcher nosent  
Veu que sacree a Venus sera elle  
Vers eulx viendra quelque gente pucelle  
Gardant brebis par les preaulx herbuz  
Qui pour fouyr lardeur du cler Phebus

La seconde epistre de lamant vert.

Paradventure au pres de la fontaine  
Se vouldra seoir: & pour chose certaine  
Après auoir estanche sa soif seiche  
En deuifant dessus lherbette fresche  
Leur comptera tout le cours de ma vie  
Et de ma mort dont ie prens ores enuie  
Et leur dira.

\* La pucelle aux passans.

\* Seigneurs si dieu vous gard  
Sur ce noir marbre ou vous gettez regard  
Gyst Lamant vert: de pensee loyalle  
Lequel seruit vne dame royalle  
Sans que iamais il luy fest quelque faulte  
Natif estoit Dethiope la haulte  
Passa la mer tant fiere & tant diuerse  
Ou il souffrit mainte grant controuerse  
Abandonnant son pays & ses gens  
Pour venir cy par exploictz diligens.  
\* Laisla Egypte & le fleuve du Nil  
Esprins damours en vng cueur iuuenil

A ma dame Marguerite auguste

Quant le renom de sa tresclere dame  
Luy eust esmeu tout le couraige & lame  
Si vint chercher ceste region froide  
Ou court la bise impetueuse & roide  
Pour veoir sa face illustre clere & belle  
Quil perdit puis par fortune rebelle.  
\*Et pour auoir laccointance amoureuse  
De son desir. sa langue malheureuse  
Laboura tant en son futur dommage  
Quelle oubliä son langaige ramage .  
Pour scauoir faire ou sermon ou harengue  
Tant en Francoys, cōme en langue flamēgue  
En Castillan & en latin aussi  
Dont a laprendre il souffrit maint soucy  
Or estoit il vng parfait truchemant  
Et ne restoit fors scauoir Lallemant  
En quoy gisoit son esperance seure  
Se grief rebout ne luy eust couru seure  
\*Mais laisse fut en vng trop dur seiour  
Dont il mourut de dueil ce propre iour

B. i.

La premiere epistre de lamant vert

Et luy fut faict ce monument & tumba  
Dessus lequel pluye & rousee tumba  
Si aura il par faueur supernelle:  
Louenge & bruit en memoire eternelle,

\* Lamant Vert.

\* Ainsi dira la bergere au corps gent  
Aux pelerins & a maint autre gens:  
Qui volentiers la mienne histoire orront  
Et de pitie peult estre pleureront  
Et semeront des branches verdelettes  
Sur mon tumbel: & fleurs & violettes  
Puis sen yront comptant par mainte terre  
Comment amours mont faict cruelle guerre  
Parquoy sera mon bruit trop plus ouuert  
Que du vert conte ou du cheualier vert  
Et sera dit Lamant vert noble & preux  
Quant il mourut vray martyr amoureux;

A ma dame Marguerite Auguste.

Et oultre plus, a ma tumber de nuyt  
Quant tout repose & que la lune luyt:  
Viendront Siluã: Pan & les demydieux  
Des boys prochains: & circonuoyfins lieux:  
Et avec eulx les fees & les Nymphettes  
Tout alentour failans ioyeuses festes:  
Menans deduict en danses & carolles  
Et en chansons damoureuses parolles  
Ce seul foulas auray ie apres ma mort  
Dont le desir desia me point & mord  
Nas tu point veu o dame specieuse  
Que quant ta bouche amye & gracieuse  
A dit a dieu a moy paoure esperdu  
Vng tout seul mot ie ne tay respondu  
Aussi comment eust il este possible  
Que ie parlasse en ce dueil indicible?  
Mais seullement tout morne triste & sombre  
Comme desia sentent mortel encombre  
Ta noble main doucement ay bailee  
Congie prenant de ta haulteur prisee.

La seconde epistre de lamant vert

Et maintenant a la mort me prepare  
Puis que ie voy lheure qui nous separe  
Helas comment me pourray ie donner  
La mort acoup: sans guieres seiourner  
Ie nay poison: ie nay dague nespee  
Dont estre puist ma poictrine frappee  
Mais quoy cela ne men doit retarder  
Qui mourir veult nul ne len peult garder  
Quant Porcia plaine de grans vertus  
Voulut mourir pour son mary Brutus  
Nonobstant ce que les gens eussent soing  
Quauoir ne peust venin ne fer ou poing  
Elle neantmoins pour fournir son deuis  
Se fit mourir mengeant des charbons vifz  
\* Par ainsi donc a vng cueur hault & fier  
On ne scauroit son propos empescher  
Car moins griefue est la mort tost finissant  
Que nest la vie amere & languissant  
Ha dieu haultain : de bon cueur vo<sup>9</sup> mercie  
Car de mourir bien brief ne me soucie

A ma dame Marguerite Auguste.

Iay ia trouuay: sans aller loing dix pas  
Le seul moyen de mon hastif trespas  
Ie voy vng chien: ie voy vng vieil mastin  
Qui ne menge: puis hier au matin  
A qui on peult nombrer toutes les costes  
Tant est hay des bouchiers & des hostes  
Il a grant fain: & ia ses dens aguise  
Pour mengloutir & menger a la guise  
Il me souhaitte & desire pour proye  
Parquoy a luy ie me donne & octroye  
Si sera dit vng Acteon naif  
Qui par ses chiens fut estranglé tout vif  
Attens vng peu villaine creature  
Tu iouyras dune noble pasture  
Attens vng peu que ceste epistre seulle  
Iaye acheuee: ains me mettre en ta gueulle  
Si saouleray ton gosier mesgre & glout  
Et tu donras a mon dueil pause & bout  
Mais se tu metz triste fin a mes plaintz  
Dautres assez en feras de dueil plains

La premiere epistre de lamant vert

Et en la fin seras triste & dolent  
Dauoir commis vng cas si violent  
Car point nauras si tost ma mort forgee  
Quencor plus tost elle ne soit vengee  
Dont ie te prie, o ma princesse & dame  
Que quāt mō corps verras nauoir pl<sup>9</sup> dame  
Et qua tes yeulx pour nouullee dolente  
On monstrera toute sanguinolente  
De ton amy la despouille piteuse  
Et que ma mort si laide & si honteuse  
Te causera dueil & compassion  
Nen prens pourtant ire ne passion  
Nen vueille point ta personne empirer  
Par larmoyer: & par trop soupirer  
Car assez as dautres maulx plus patentz  
Dont maintes gēs se treuent mal contens  
Mais souffira sans plus que tu mauldie  
La vile beste oultrageuse & hardie  
Qui mon gent corps: du tien enamoure  
Aura ainsi deffaict & deslire

A madame Marguerite auguste.

Lequel neantmoins sans autre dese poir  
Veult de son gre: telle mort recepuoir  
Pour les bas clorre, a tout les infortunes  
De tant de mors cruelles, importunes  
Quant a lesprit sache que par mensonge  
Il taperra assez de foyes en songe  
Et te suyura par hayes & buissons  
Sollicitant que les tant ioyeux sons  
Des oiseletz: en tous lieux te conuoient  
Et par les boys doucement te resioient  
Ainsi que celle a qui doibuent hommaige  
To<sup>r</sup> beaulx oiseaux de quelconque plumage  
Aussi diray ie: au gracieux zephyre  
Que desormais luy seul vente & souspire  
Bien souefuement a tout sa douce alaine  
Et que Flora qui de tous biens est plaine  
Voist tapissant de flourettes meslees  
Les chaps: les prez: les mōrz & les vallees  
Tant que sembler il puisse que tout rie  
Par ou ira ta noble seigneurie.

B.iiii

La premiere epistre de lamant vert

Or adieu donc royne de toutes femmes  
La fleur des fleurs: le paragon des gemmes  
A dieu madame & ma maistresse chiere  
Pour qui la mort me viét monstrier sa chere  
Mais ne men chault mais que saulue tu soye  
Et que iamais naves riens fors que ioye  
Fay moy grauer sur ma lame marbrine  
Ces quatre vers: au moins se ien suis digne.

\*Lepitaphe de lamant vert.

\*Soubz ce tumbel qui est vng dur conclaue  
Gist lamant vert: & le tresnoble esclau  
Dõt le hault cueur devraye amour pureyure  
Ne peult souffrir perdre sa dame & viure

\*De peu assez      Le Maire de Belges.

A ma dame Marguerite Auguste

\* Ma dame a lacteur.

\* Ton escriptoire a si bonne pratique  
Que si men crois: sera bien estimee  
Parquoy concludz: Ensuyz sa rhetoricque  
Car tu scez bien que par moy est aymee

\* Pfitacum Corine mortuum  
defleuit Ouidius.

\* Statius Papinius: Atedii melioris Pfitacum  
mortuum ita ornat: vt non tam cum Ouidio  
contendere: q̄ eum precessisse videatur.

Pfitace dux volucru: domini facida voluptas  
Humane soleres imitator Pfitace lingue  
Quis tua tam subito preclusit munera fato  
Pfitacus ille plage viridis regnator eoe

La seconde epistre de lamant vert.

Ille saluator regum nomenque loquutus  
Cesareum. &c.

\* La seconde epistre de lamant Vert a mada-  
me Marguerite Auguste.

\* Lamant vert

 Vis que tu es de retour saulue / &  
saine  
Après auoir veu le Rin, Meuse &  
Seine.

Princesse illustre & de haulte value:  
Treshumblement or endroit te salue  
Ton seruiteur iadis de mort couuert  
Et maintenant immortel lamant Vert  
Si fais scauoir a ta clere noblesse  
Que plus ne crains riens qui menuise ou blesse

A madame Marguerite Vuguste.

Ains mentretians en soulas & en ioye  
Mais que de toy bien souuent parler ie oye  
Car quant ientens le nom de ta personne  
Dont le record si doulx symbale & sonne  
Le tressaulx tout de lamoureux desir  
Qui mon gent corps fit en terre gesir  
Lequel neantmoins tu as fait honorer  
De sepulture: Et grauer & dorer  
Mon epitaphe: en marbre de porphire  
Tant quil me doit bien haultement souffire:  
Car tant lont leu de Roys princes & ducz:  
Que mes beaulx faitz iamais ne sont perduz  
Et tant la veu mainte princesse noble  
Que mon bruit va iusques Constantinoble.  
Si mest ma mort: plusbelle & specieuse.  
Que ne fut onc la vie gracieuse  
Veu que mon nom mes armes & mon tiltre,  
Sont ennobliz: par celle triste epistre  
Que iescripui: quant la mort me pressoit  
Et le plaisir de viure décroissoit

La seconde epistre de lamant vert

Dont maintenant maintes dames la lisent  
Et entredeux les piteux motz eslisent  
Pour en auoir quelque compassion  
Cela leur est noble occupation  
Dont de bon cuer te loue & remercie  
Et a toute heure a part moy me soucie  
Par quel moyen: si loing de toy absent  
Te pourray faire aucun soulas de cent  
Pour me monstrier auoir plus grant enuie  
De te seruir: qu'oncques ie neu en vie  
Si ne te puis autre seruire faire  
Que t'aduertir de tout le mien affaire  
Depuis ma mort & mon separement  
Que dauec toy ie fiz amerement  
Mais ie te prie que sen mon autre lettre  
Dueil ma cōtraint des motz rigoureux mettre  
Ta grant clemence vng peu vueille excuser  
Force damours qui me fit abuser  
Suppliant oultre autant que tu mascher  
Que cest escript ne te vueille fascher

A ma dame Marguerite Auguste,

Sil est prolix: & se ie te racompte  
Des regions dont peu de gens font compte  
Cest des enfers: desquelz premier dirons  
Et puis apres en meilleurs lieux irons  
Or est il vray princesse marguerite  
Fille a Cesar de celeste merite  
Que quant mon ame eut: eu triste recordz  
Et grant douleur: prins yssue du corps  
Tantost fut prest le noble dieu Mercure  
Qui les espritz des defunctz prent en cure  
Lequel tenant son caducee ou verge  
Print mon esprit tout innocent & vierge  
Puis en volant plus legier que le vent  
Me mena veoir le tenebreux conuent  
Des infernaulx: ou siet R hadamanthus:  
Retributeur des vices & vertuz  
Vng rochier brun se treuve en la moree  
Dont fault vapeur horrible & sulphuree  
Ce roch se dit en latin Tenarus  
Dont hercules entrina Cerberus

La seconde epistre de lamant vert.

Droit la voit on vng grant trou tartaricque  
Si treshideux que nulle Rhetoricque  
Ne scauroit bien sa laideur exprimer  
Au fond duquel allasmes abyfmer  
Mercure & moy, si trouuons lhuys de fer  
Par ou on entre ou grant pourpris denfer  
Lors Cerberus le portier droict & noir:  
En abayant nous ouurit son manoir  
Sa voix tonant si fort retomdissoit  
Que la vallee obscure en gemissoit  
Si ne fault pas demander se ieu peur:  
Quant iapperceu vng si fier aggrippeur.  
Nous tirons oultre, & allons iusq au fleuue  
Le plus despit que nulle part on treuue  
Styx il a nom: cest a dire tristesse:  
Tout plain dhorreur : dangoisie & destresse  
Or nous passa le vieillart nautonnier  
Quon dit Charon tresuillain potonnier.  
Sa barque estoit debiffee & vieillette  
Si neut de moy ne denier ne maillette

A madame Marguerite Auguste.

Quant on est oultre: alors la clarte fault.  
Et ne voit on goutte: ne bas ne hault  
Mais bien ot on des cris espouentables  
Fiers vrlemens de bestes redoubtables  
Lors ieu frayeur de telz mugissemens  
Bruit de marteaulx: chaines & ferremens  
Grands tombemens de montaigne en ruyne  
Et grands souffliz de ventz avec bruyn  
Ioyois aussi bien pres de mes oreilles  
Oyseaulx bruans de strideurs non pareilles  
Battās de lesle: & faisans grans murmures  
Clicquās du bec: cōevng droit son darmures  
Si me tapiz au pluspres de ma guide  
Car de chaleur ma poictrine estoit vuide  
Tant peur auoit. Et lors il me va dire

\*Mercure.

\*Ce lieu vmbreux tout plain de dueil & dire

La seconde epistre de lamant vert

Est le royaulme & seiour Plutonique  
Et le repaire a tout esprit inique  
Tu doibz scauoir que les fiers animaulx  
Qui en leur vie ont fait cas enormaulx  
Et perpetre oultrages criminelz  
Après leur mort sont icy condempnez  
En griefz tourmens: en ordure & pueur,

\* Lamant vert.

\* En ce disant ie viz vne lueur  
Estrange & bleue avec noire fume  
Noyant la flambe: rouge & alumee  
Plus approchons plus oyons de tumulte  
Qui du parfond dung grant gouffre resulte  
Et quant ce vint que fusmes assez pres  
Mon conducteur saresta tout expres  
Et dist ainsi.

A madame Marguerite Auguste.

\* Mercure,

\* Cy demeure Pluton.

Vecy le fleuve horrible Flegeton

Ardant & chault. Voy ce que ie te monstre

Sur son riuage & dedens a maint monstre

Maint gros serpent & maintes laides bestes:

Regarde Hydra le serpent a sept testes

Qui iadis fut occis par Hercules

Ces grandz toreaux qui tāt sont noirs & lais

Ce sont ceulx la que le noble Iason

Deffit iadis conquerant la toison

Vela aussi le toreau de Pasiphe

Et ce dragon qui mort sa lourde griffe

Est celluy propre auql iousta saint George

Lautre qui bee: & euure ainsi la gorge

Est mesme cil qui Marguerite sainte:

Voult engloutir: toute vestue & ceinte

Ce noir oyseau de tous desauoue:

C. i.

La seconde epistre de lamant vert.

Est le corbeau de larche de Noe  
Encor fiet il sur la charongne ville  
Ce monstre la de facon peu ciuile  
Demy toreau: & demy homme infame  
Mengea iadis maint homme & mainte feme.  
Et ce serpent venimeux & rebelle  
Mordit iadis Eurydice la belle  
Dont son amy Orpheus bien chantant  
Vint en ce lieu plourant & lamentant  
A tout sa harpe: & dit chansons piteuses  
Si endormit les vmbres depiteuses  
Mais tout cela luy seruit de bien peu  
De lautre part tu vois dedens ce feu  
Plusieurs cheuaulx cruelz & mal domptez  
Dont lesvngz sont ceulx qui de deux costez  
Le sainct martir Hypolite tirerent  
Les autres sont ceulx la qui dessirerent  
Hyppolytus filz de Theseus roy  
Mais lautre a part plain dextreme desroy  
Tua iadis par vng sault inesgal

A madame Marguerite Auguste.

Son maistre hault prince de portugal  
Ces autres la apprirent de le paistre  
De chair humaine: & mengerēt leur maistre  
Et ce hobin malheureux & maudit  
Est le dolent par lequel on perdit  
Iadis (helas trop tost) ta noble mere  
Dame Marie amyne non amere  
Ceite grant mulle: horrible abhominable:  
Seruit iadis au venin tresdamnable  
Duquel mourut le fort roy Alexandre  
Car la poison qui fit vng tel esclandre:  
Ne se pouoit garder en facon nulle:  
Fors seulement en longle dune mulle  
Or maintenant voyons lantre riuage  
Ce senglier rude, estrange & fort saulage  
Est celuy la qui meurtrit adonis  
Pour qui Venus getta pleurs infiniz:  
Et ce porc vil qui trop se suertua  
Pres de Paris le filz du Roy tua  
La sont les chiens qui tant se desfrigerent

La seconde epistre de lamant vert

Que leur seigneur Acteon estranglerent  
Et dempres eulx tu vois l'infame chien:  
Mesgre & roigneux: qui oncques ne fit bien  
Lequel osa ton noble corps toucher  
Par grief forfait: qui trop luy cousta chier:  
Il porte encor les playes de sa mort  
Dont tous les iours la douleur le remord  
Mais ou fin fond de ce grant fleuve ardent  
Qui les rochiers va brullant & fendant  
Et gette vng flair puant & sulphurin  
Tu vois nager vng grant monstre marin.  
Qui iadis vult menger Andromeda  
Dont perseus tresvaillant la garda  
Volant en lair o ses esles prosperes  
La sont aussi couleuures & viperes  
Aspicz mortelz: serpens tors & obliques  
Escorpions: lezardz & basiliques.  
Tresuenimeuz: & mainte autre vermine  
Esquelz poison mortifere domine  
Et qui ont fait vians la sur la terre

A madame Marguerite Auguste.

A maintes gens dure & mortelle guerre  
Parquoy y sont en paine & en tourment  
Vne autre espece encor de damnement:  
Treuve on ceans: cest de glace & froideur  
En lieu que cy na que flambe & ardeur  
Vng fleuve y court qui se nomme Acheron.  
Dedens lequel & tout a lenuiron  
Tréblant de froict & cliquetent leuts dens  
Pour leurs forfaitz & crimes euideus  
Maintz animaulx estrangers & diuers  
Comme lyons orgueilleux & peruers  
Ours trescruelz: tygres: loups rauissans  
Chiens enuieux par rage finissans  
Boucz trespuans: cheures luxurieuses  
Corbeaux villains pies iniurieuses:  
Cailles: perdrix peruertissans nature  
Ratz & souriz mengeans nostre pasture  
Mousches. tahōs: malotz: guespes piquans  
Gens & cheuaulx a courroux prouoquans  
Gros lymassons: arrignes treshorribles:

La seconde epistre de lamant vert.

Puces & poux: & punaises terribles:

Renardz trop fins: chauuetes larronneſſes

Pourceaulx gourmans: & griues grandz y-  
ureſſes.

Voultours trefordz: & huppes ſepulphurales

Laitz chatz huans portans nouuelles males.

Oyſeaulx raptours qui aux bons ſont eſpies

Synges. luitons: cocodriles: harpies

Griffons hideux q mengent gens barbares:

Fiers loups garoux & vieilles coquemares

\*Brief tant ya de beſtial qui vlule

Qui mort lung lautre: regibe & recule

En frappe lung & puis eſcorne lautre

Puis tel ſuruiet: qui le froiſſe & eſpautre:

Happe la queue: ou la patte: ou la hure

Tout y eſt plain de ſi mortel iniure

Que tu aurois frayeur trop merueilleuſe

De veoir tel tourbe horrible & batailleuſe

Qui na iamais namour ne paix enſemble

\*Or paſſons oultre & verrons ſe bon ſemble

A madame Marguerite auguste.

Au roy Minos le grant iuge infernal  
Que ie te maine en ton repos final  
\* Ie le voy la: qui se siet en son trosne  
Et mengera furieuse matrosne  
(O ses cheueulx columbrins qui luy pendent  
Et grans venin luy distillent & rendent)  
Luy fait lumiere a tout vne grant torche.  
Dont bien souuent les vmbres bat & torche  
Cloto y est & sa seur Atropos  
Et Lachesie qui file sans repos.

\* Lamant Vert.

\* Ainsi disoit Mercure le bon dieu  
A lors Minos se leua de son lieu  
Pour biëveigner Mercure en grât honneu  
Lequel luy dit.

\* Mercure.

L.iiii.

La seconde epistre de lamant vert.

\*Roy iuste guerdonneur:  
Vecy lesprit dung gracieux amant  
Plus net: plus fin que perle ou dyamant  
Lequel iay prins tout res & nouuellet  
La sus laissant son ioly corpselet  
Prenant la mort pour lamour dune dame  
Que de plus noble au monde ne se clame  
Voy tous ses faietz & sa vie calcule:  
Il na sur luy ne tache ne macule  
Sur luy ny a vng seul brin de laideur  
Mais entier est en sa propre verdeur:

\*Lamant Vert.

\*A lors Minos de tous lez me regarde  
Et en fin dit: que iay fait bonne garde  
De nettete & de pure innocence  
Car vierge suis: puis il donna licence  
Que mene fusse aux beaulx champs elisees

A ma dame Marguerite auguste.

Ou nul ne va que les ame prisees  
Lors mon guideur me mena par lesvmbres  
Ou neusmes pl<sup>r</sup> gueres de grans encōbres  
Iusques au lac: qui Lethes est nomme  
Illec fuz ie par Mercure somme  
De boire vng traiēt de leaue obliuieuse  
Qui perdre fait toute amour enuieuse  
De vouloir estre ou monde temporel  
Pour le plaisir & deduit corporel  
Si en beu tant que presque ie fuz yure  
Et des adonc neu vouloir de reuiure  
Cela fut faiēt: si marchasmes auant:  
Et tousiours fuz mon Mercure suyuant  
Qui me mena par vne voye estroicte  
Forte a monter tresdifficile & droicte  
Mais peu a peu lair sy esclarcifloit:  
Dont mon esprit beaucoup sesciouyffloit:  
Veu q̄ laissons ces bas lieux soubz terrains  
Pour aller veoir les haulx lieux sounerains,  
Quassez a temps iamais veoir ne cuidoye.

La seconde epistre de lamant vert

Si me sembloit que le bruit entendoie,  
De grant vndee & de flotz murmurans  
Comme de mer ou de fleuves courans  
Finablement suruint belle lumiere  
Sans encombrer de nieble ou de lumiere:  
Et peu apres nous trouuafmes lyflue  
Plaine de mouffe & dherbette hofue  
La porte estoit de corne transparente  
Qui fut ouuerte: & lentre apparente  
Tout regarde: nous estions en vne isle  
Belle: plaifant: amoureuse & fertile:  
Plaine doyseaux tresdoucement chantans  
Et danimaux parmy lherbe trotans  
Sans grief tumulte: & sans noise ou discorde  
Cecy voyant des enfers me recorde  
Si fuz bien aise: & point ne me doulus  
Dauoir laisse ses infernaux paluz.  
Lors dit Mercure.

\* Mercure.

A madame Marguerite Auguste.

\* Amy tes destinees

Tont faiçt venir es isles fortunees:

Que les humains disent & cuident estre

Presque ainsi qung paradis terrestre

Ou autrement les champs elysiens

Icy ne croist que fruiçtz ambrosiens

Et ny boit on que liqueurs neçtarees

Cest le seiour des ames bienheurees:

Des animaulx qui oncques ne meffirent

Ains de tout bien leurs oeuvres assouffirent

Or y demeure en repos eternal:

Car bien le veult le grant roy supernel.

\* Lamant Vert.

\* Ainsi dit il: & ie luy rendiz graces.

Puis il sen volle & nappare ces trasses:

Par le chemin de lar qui trenche & fend.

Dont nul riens ne lempesche ou deffend.

La seconde epistre de lamant vert

\* Le temps estoit tout eler & saphyrin  
Le soleil hault & le vent zephyrin  
Occidental: doucement souspiroit  
Voire si doulx que plus il ne pourroit  
Alors content de mariche fortune  
Le vois choisir vne place oportune  
Pour speculer tout le noble pourpris  
Ou vont volant tant de ioyeux espritz  
Si me branchay sur vng orenghier vert  
De fleurs: de fruitz: de feuilles bien couuert  
Et regarday la grant mer spacieuse  
Qui circuit lisle delicieuse  
Tranquille estoit & clame la marine  
Clere & luyfant comme belle verrine  
Lisle esleuee au milieu grande & lee  
Ayant maint terre: & vmbreuse vallee  
Mais le conseil combien quil y fust hault  
Ny estoit point excessif ne trop chault  
Ains y fut tout riant en floriture  
Soif flairant de diuerse paincture

A ma dame Marguerite Auguste,

Et comme ainsi ie contemplasse tout  
A fleoir se vint prest de moy en vng bout  
Vng cler esprit: portant plume nayfue  
De cramoisy tresuermeille & tresuiue  
Et apres luy sur ce grant orenghier  
Vindre aussi mille oyseaulx se renger  
Si beaulx: si coinctz: & de tant de couleurs  
Qu'on ne scauroit exprimer leurs valeurs  
Croy moy princesse: & preste ton entente:  
Cest arbre beau de fucilleuse patente  
Fut enrichy presque en vng momment  
De tous oyseaulx de diuers paremens  
Qui entour moy voletans se iouerent:  
Et de leurs chantz courtois me saluerent  
Mais dessus tous ie nottay la facunde  
Du cler esprit: pourprin & rubicunde  
Duquel la plume: ainsi affermer lose  
Certes passoit la beaulte de la Rose  
Si dit ainsi: les autres se traisans:

La seconde epistre de lamant vert.

\* L'esprit vermeil.

Mon frere chier en ces beaulx lieux plaisant  
Tu soys le bien & mieulx que bien venu  
Long temps ya quil ne mest aduenu  
Plaisir plus grant que de veoir arriuer  
Ton noble esprit: que mort na sceu greuer  
Ains vit ton nom en memoire & en bruit  
Mais encor plus cueille ie cy de fruiet  
Quant ie te scay venant du lieu floury  
Ou ie long temps en ioye este nourry  
Cest du palais illustre cler & riche  
Qui tient bourgoigne vnie avec Austriche  
Si te diray puis que amour me semont  
Comment iadis larcheduc Sigismond  
Oncle a Cesar Maximilianus:  
Me tint bien cher en ses plaisirs menus  
Et tant pris a ma mignotise gaye  
Que pour don riche: esmeu da mitie vraye

A madame Marguerite Auguste.

Il menuoya a treshaulte princeſſe  
Pour lors viuant de Bourgoigne duchefſe  
Ta noble mere amyable Marie  
Dont le trespas fit mainte ame marrie.  
Laquelle ayma damour trefſinguliere  
Mon cacquet doux: ma couleur nouueliere  
Puis en la fin ploura la mort dolente  
Que ie receu par leure violente  
Des cruelz dentz dune fiere iennette  
Comme tu as dung leurier deſhonneſte  
Si ſommes nous: quant bien ie y ay penſe  
Tous deux eſgaulx. & meſmement en ce  
Que iay ſerui la mere noble & iuſte  
Et tu la fille illuſtre clere Auguſte.  
Parquoy viurons enſemble en ioye eterne  
Sans plus paſſer linfernalle cifterne.  
Si aymerons ces chaſtes tourterelles  
Et tournoirons bien ſouuent entour elles  
Et nous iourons ſur fleurs & ſur herbettes  
Doulcetement avec leſcolumbettes

La se conde epistre De Lamant vert

Ne vey pas bien belle compaignie  
Pour seshouir en plaisir infinie  
\*Premierement tu vois le phenix noble  
Vestu dazur: dor: pourpre: & si noble  
Faisans bien painctz: pellicans solitaire  
Simples colombz: arondes salutaires:  
R osignoletz doulx & melodieux  
Et chardonnetz dapprendre estudieux,  
Cocque liberaux hardiz & diligens  
Serins: tarins qui sont plaisans & gens  
Merles factiz: gelinettes vtils  
Cignes tous blancz: alouettes gentilles:  
Grues veillans a leurs tours ordinaires  
Aigles royaulx: cicoignes debonnaire  
Et autre cent especes doiseletz:  
Tous vertueux iolyz & gentelletz,  
Qui sont ioyeux de la venue tienne.

\* Lamant vert.

A ma dame Marguerite Augueste

\* Lors ie luy diz: seigneur dieu te maintienne  
Et eulx aussi en ioye & en liesse

Si les requiers ou nom de ma deesse

De ma princesse & dame redoubtee:

Que une chanson noblement soit chantee

A peine eu ie ce mot hors de mes leures

Que les marteaulx de vingt ou trente fures:

Neust on ouy battans sur leurs enclumes

Car les oyseaulx de tant diuerses plumes

Diuersement vng motet entonnerent

Et si tresdoux flaiolans iargonnerent

Qu'impossible est noter leurs chansonnettes

Et leurs motez tant beaulx & tât honnestes

L'une partie au bas baritonna

Et puis apres vng hault contre entonna

Les cleres voix fort bien diminuerent

Et les teneurs leur train continuerent

Brief tant y eut de grace & melodie

Qua peine est nul qui bien l'exprime ou die

Tant que les vaulx flouriz en resonnoient

D.i

La seconde epistre de lamant vert

Et les rochiers le doux son redonnoient  
Puis quant cessa le tant amoureux bruit  
On banquetta de maint precieux fruit  
Dont tu nas point de pareil en ce monde  
Ouquel tu es princesse pure & munde  
Et si beut on en la clere fontaine  
Dont la liqueur excellente & haultaine  
Se rend icy par argentines buses  
Du vray surion de celle des neuf muses  
Tout cecy faiet le noble papegay:  
Vestu de pourpre illustre gent & gay  
Me fit congnoistre & me monstra de veue  
De tous costez la champaigne pourueue,  
De mille oyseaulx & danimaux gentilz  
Par leurs vertuz passans en ces pasciz  
Entre lesquelz leans trotte & ambule  
Le passeron de lamy Catulle.  
Lequel (quant mort sen fut a tort faisie)  
Fut deplore par noble poesie  
Aussi y est loye du capitolle.

A ma dame Marguerite auguste.

Et le corbeau que Plin tant extolle  
Car parler sceut comme font les humains  
Le gerfault blac du hault roy des rommaïs  
Tant estime que a peine est qui le croye  
Voire & trop plus que nul oyseau de proye  
Qui onc entra en ce noble repaire  
Aussi y est de tourtres vne paire  
Qu'on presenta par iuste occasion  
Quant Iesus print sa circoncision  
Et le bon coq: qui saint Pierre aduisa  
De son mespris: dont grant los & pris a  
Et le coulomb de prudence nayfue:  
Qui rapporta la branchette doliue.  
De Charlemaigne vng aigle fort insigne  
Bien hault volant Et de Cleues le cigne  
Le porc espic de gloira Orleanicque.  
Et la tresriche erimine Britannique.  
Et oultre plus dessus les fleurs doulcettes  
Vont volettant les epz & les mouschettes:  
Qui en Platon a son berseau dormant

D.its

La seconde epistre de lamant vert

Allerent miel en la bouche formant  
Aussi y est lautre mousche honnoree  
Tant noblement par Virgille plouree  
Si vont saultant & faisant vireuoustes  
Parmy ces prez les tresdignes lengoustes  
Dont le bon sainct qui Iesus baptisa  
Seul ou desert toute sa vie vsa  
Et oultre plus est cy viuant en gloire  
Le bon camel digne de grant memoire  
Duquel la peau ce mesme sainct vestoit  
Lafnesse aussi qui la vierge poi toit  
Avec le beuf: qui son celeste enfant  
Fut en la creche a mynuit reschauffant  
Laigneau paschal: le mouton dont Iason  
Conquerre alla la trefriche toison  
\*Lours de sainct Vast. Le pourceau sainct  
Anthoine.

Le saige chien propice est fort idoine  
Qui apportoit a manger a sainct Roch  
Et lourse aussi qui nourrist en vng roch

A ma dame Marguerite Auguste.

Le preux Ourson, & la louue benigne  
Qui excusa nourrisse feminine  
Au fondateur de la cite de Romme  
Encore y est le lyon saint & hierosme.  
Et de saint & George aussi le bon cheual  
Le fort Montaigne & le fier Buciphal  
Sauoye aussi le coursier du roy Charles  
Que meilleur neust: de Rôme iusq̄s Arles  
Aussi pource quil estoit noble & bon:  
Honnore la ma dame de Bourbon;  
Et roux Bayart qui nest plus en Ardenne  
Princesse illustre, & si ie ne te tenne  
En denombtant les autres bestelletes  
Qui sont ceans viuans des herbelettes  
Souef flairans: doulces: aromatiques  
Scauoir te faiz par raisons autentiques  
Que droict cy sont par leur bien & merite  
Les aigneletz de sainte Marguerite  
Et les brebis quelle gardoit aux champs  
Aussi y sont sur flourettes couchans:

Di.

La seconde epistre de lamant verr

Les deux beaulx cerfz chastez cōe il appert  
Par saint Eustace: & monsieur saī et hubert  
La noble biche aussi les acompaigne  
Laquelle estoit a Sertore en espaigne  
Et vng leurier plain de toutes vertuz  
Bien congneu las: il s'appelloit Brutus  
Encores y est (sans quelle sen repente)  
De Lusignan la tresnoble serpente  
Mere iadis de princes & de roys  
Si not on point ne noises: ne desroyz  
Bruit tempestif ne tumultes difformes:  
Entre animaulx de tant diuerses formes  
Que diz ie tāt. Voir: encor plus sans nombre  
Que ie ne compte & que ie ne denombre:  
Ains viuent tous en paix comme ie dis  
Or ay ie este dedens ce paradis  
Assez long temps princesse de hault pris  
Sans que Mercure amenast nulz espritz.  
Parquoy de toy quelque nouvelle sceusse  
Et comme donc de ce plaisir ie neusse

A ma dame Marguerite Auguste,

Vng iour aduint: quen estant sur la riuē  
Que la mer bat: tranquille: clere & vifue  
En regardant le daulphin tant priue  
Par qui iadis Arion fut saulue  
Le vis venir: ainsi dieu me conserue  
Tout le beau pas vng cerf & vne cerfue,  
Ieunes: ioyeux: plaisans & esueillez  
Portans au coul beaulx coliers esmaillez  
De ton blason dame de hault parage  
Lors tout esmeu de cueur & de courage,  
Du souuenir que de toy me venoit:  
Le saluay celuy qui les menoit,  
Cest Mercure: amoureux & prospere  
Lequel me dit que dieu qui tout tempere  
A inspire ton tresnoble esperit  
Dieu qui tout voit: qui tayme & te cherit  
Et donne grace a ton cler & vif sens  
De mettre accordz par moyens bien decentz  
Entre tous roys chrestiens ducz & princes  
Parquoy tu es en toutes leurs prouinces

D.iii

La seconde epistre de lamant vert

Dicte a bon droict: la princesse de paix:  
Aymant les bons & chassant les mauuais  
Fleur de consaulde: odeur aromatique  
Gemme de prix: perle marguaritique  
Tresor damour: precieux vnion:  
Mettant par tout concorde & vnion:  
Et pour tout dire: il ny a nul au monde  
Qui nayme ouyr ta renommee monde  
Telmoing en est affin quautres ie passe:  
La noble ermine: en richesse oultre passe  
La dame illustre & portant sceptre en Frâce  
Laquelle eut dueil de ma griefue souffrance.  
\* Anne est son nom des Bretons grant du-  
chesse.

Certes mon cueur à son honneur se tire  
Veu quelle eut dueil de mon dolent martyre  
Et scet encor ne sen fault vng paraphe  
Comme par cueur mon dolent epitaphe  
Non que pour moy ne que pour ma value,  
Ce scay ie bien: la mienne epistre ayt leue



A ma dame Marguerite Auguste.



Mais en faueur de toy & ton amour  
Pitie la meu destimer ma clamour  
\*Or vous doit dieu : toutes deux longz  
sejours.

En heur prospere & en fin de voz iours  
Monte la plus au paradis celeste  
Comme ou terrestre icy suis sans moleste,  
Icy prent fin le mien ioyeux escripre  
Dont on verra plusieurs gens rire.



\*Cy finist le pistre de Lamant vert.



\*Cy commencent Plusieurs Balades &  
Rondeaux nouveaux fort ioyeux.



Lettres missiues enuoyees de la dame a lamāt

**L**E regrette & mieulx ayme de tous  
De tout mō cueur & destreux couraige  
Cent mille foys me recommande a vous  
Plus que ne puis exprimer de langaige  
Mon poure cueur que vous tenez en caige  
Ne souhaitte que vostre aduenement  
Car il ne peult auoir aucunement  
Ioye sans vous ne bonne deliurance  
Parquoy requiert en pleurs incessamment  
Auoir de vous totale recourance.  
\* Pleust or a dieu que fusliez aduertiy  
Des pleurs & criz que pour vous iay gectez  
De tous soulas est mon cueur diuertiy  
Esbatemens sont de moy reiectez  
Mes poures sens sont si fort tourmentez  
Que plus nen puis si ie nay reconfort  
Ie nattends plus seullement que la mort  
Mourir my fault & pour vous seullement  
Et si ie meurs de dueil & desconfort  
Cause serez de mon definement.

Lettres missiues.

\* Aurez vous bien si tresendurey cueur  
De me laisser mourir de desplaisance  
Me tiendrez vous si tresgrande rigueur  
De moublier par vne non chaillance  
Las en vous est toute mon esperance  
Et reconfort puis que dire le fault  
Regret pour vous deliure dur assault  
Le nay repos iour heure ne demye  
Mais ie voy bien qua vous de moy ne chault  
Et quauetz faict vne nouvelle amye.  
\* Le souuenir de vostre doulx regard  
Renouuelle mes lamentations  
Et me faict dire de iour en iour dieu gard  
Le mieulx ayme de toutes nations  
Considerez mes exclamations  
Prenez pitie de celle qui vous aime  
Reconfortez celle qui vous reclame  
Et retournez sans plus faire demeure  
Ou autrement ie vous iure mon ame  
Mon doulx amy quil fauldra que ie meure.

Lettres missiues.

\* Oncques philix ne fut si desplaisante  
Pour labsence du noble demophon  
Oncques medee ne fut si mal contente  
Dauoir petdu son bel amy Iason  
Que ne pleura dido dans son donion  
Quant elle vit partir sur mer enee  
Oncques yseulle ne fut si forcensee  
De ne veoir plus Tristan lauantureux  
Oncques ne fut femme si bien menee  
Que pour vous suis gentil cueur amoureux  
\* Helas pourquoy partites vous de moy  
Qui fut cause de vostre departie  
Que ne vous feis les tours ne le pourquoy  
Vous deussiez prandre ailleurs autre partie  
Veu que vous ay mon amour departie  
Et quautre nest que iayme tant que vous  
Tournez voz yeulx si gracieulx & doulx  
Souuienne vous de tout le temps passe  
Et vous aurez pitie de mon courroux  
Qui mon cueur a de sospirs tant lasse.

Lettres missiues

\* Pour ce vous prie mon amy cordial  
Qu'il vous souuienne de la vostre promesse  
Et que soyez a voz amours loyal  
Sans me laisser viure en si grant destresse  
Souuenteffois mauez nommee maistresse  
De vostre corps mais ie ne le suis pas  
Si ie le suis auancez donc voz pas  
Comme maistresse sur tout le vous cõmande  
Et sur ce point du cueur disant helas  
Au dieu damours, amy vous recommande.

\* La responce de Lamant  
a la dame.

\* O noble fleur irradiant face  
Bien acomplie que seul mon cueur demande  
De dueil que iay, ie ne scay que ie face  
Mais touteffois a vous me recommande  
Plus mille fois & mieulx que ne vous mande

La responce

Car le desir que me tient de vous veoir  
Mon esperit & mes poures sens bande  
Tant que ne puis riens de bon concevoir.  
\*Las quant me viz de dueil tant deplore  
A veu voz lettres que tenoys en mes mains  
De dueil & ioye mes yeulx ont tant plore  
Que mes habitz furent de larmes tainctz  
Depuis mes criz ont este si loingtains  
Que plus nen puis bonnement sans mourir  
Le plus dolent suis de tous les humains  
Et si ne puis sans vous dame querir.  
\*Si le corps est quelque peu loing de vous  
Le vous supplie prenez en patience  
Car espoir ay mon bien & mon cueur doulx  
Vous veoir en bref ou par ma conscience  
De dueil mourroys dans peu de temps  
Avoir deffault, & ny faictes nul doubtte  
En vous priant que pendant mon absence  
Mon cueur gardez que oubly ne le doubtte.  
\*Quant ie pense a la ioyeuse chiere

Des lettres missiues.

Que faict a vous en bien sans deshonneur  
Le meurs de dueil ma seulle dame chiere  
Le souuenir augmente ma douleur  
Mes grãds sospirs ont changer ma couleur  
Le vois ie viens & ne scay que ie fais  
Fors par courroux iniurier malheur  
Me souhaittant mort le iour mille foys  
\* Nuyct na este depuis mon partement  
Que ne vous veisse au moins par fantasie  
Aucunefoys parler secrettement  
Auecques vous plaine de courtoisie  
A lautre foys comme dame choisie  
Entre mes bras toute nue ie vous tien  
Au reueille suis plain de frenasie  
Et tout le iour ie nay soulas ne bien  
\* A tant de vous dun cueur en pleurs plögie  
En lamentant plussfort que iheremie  
Pour peu de temps ie prends de vous congie  
Mais espoir ay de bref vous veoir manye  
Au plaisir dieu qui vous doint bonne vie

Lettres missiues.

Et le comble de voz desirs entiers  
Sur tout vous prie que ne moubliez mye  
Pour nul autre de ces mignons gorriers.

\*Lettres de louenges enuoyees par  
ladame a Lamant.

\*Qui voudroit bien louer le treshault nom  
De M. & D, yflu de grant paraige  
Sa grant beaulte son sens & son renom  
Son tresbon loz maintien & bon langaige  
Sa grant douceur son trefardant couraige  
Choisir fauldroit termes ciceroniques  
Car ses vertus sont si tresp magnificques  
Que ne pourroye lextoller dignement  
Mais touteffois en termes feminiques  
Je ditz quil passe tout autre entierement  
\*Paris ne fut oncques plus digne dauoir  
Dame dhonneur qui laymast par amours

Lettres missiues

Helenus passe, par prudence & scauoir  
Le croy que en luy toutes vertus ont cours  
Pas ne seroit la dame sans secours  
Qui seroit digne de son amour acquerre  
Tout bien en luy resplendist comme verre  
De luy ne sourt que resiouyssement  
Le plus parfaict n'ya point sur la terie  
Si ie le ditz ne mens aucunement.

\*Cest vng tristan empres la belle yseul  
Cest vng Iason pres la belle medee  
Et oultre plus qui bien louer le veult  
Pres de dido cest le puissant enee  
Cest pirasmus pres Thibe rant aimee  
Cest Troilus empres briseida  
Cest Hercules le fort pres yolla  
Cest vng Ponthus pres tydoine labelle  
Cest Iupiter pres la belle almena  
Cest vng phebus pres dame la pucelle,  
\*Cest vng confort de peuple desole  
Cest vng ouurage de dieux & de deesses

Lettres.

Digne destre sur tous autres extolle  
Vng entretien de princes & de princesses  
Cest vng tresor passant toutes richesses  
Vng cueur ioyeux tout remply de plaisir  
Qui en voudroit vng plus parfait choisir  
On ne scauroit de cent ans trouuer mieulx  
Cest vng homme dont chascun a desir  
De deuiser de son loz glorieux.  
\* Cest en science vng second salomon  
Cest vng cathon entre cent senateurs  
Vng diegene aristote ou platon  
Cest vng Tulle entre les orateurs  
Vng barthole entre legiflateurs  
Vng orole entre hytoriographes  
Vng homme orne de loix & de paraphes  
Vng homme plain de science & scauoir  
Docteur il nest par dirz ou epytaphes  
Qui digne soit de si grant loz auoir.  
\* Bref ie maintiens & pour conclusion  
Que la femme si sera tresheureuse

De louenges.

Qui de son corps aura prouision  
Et iouyra de sa face amoureuse  
Celle sera de tout bien plantureuse  
Qui de son corps aura prouision.

\* Exclamation d'amours enuoyée par  
L'amant a la dame.

**O**R suis ie bien maintenant mis au bas  
Or suis ie bien maintenant surmonte  
Or me font bien amours faire mains pas  
Or suis ie bien a cruel mal monte  
Or suis ie bien par pleurs & par criz dompte  
Or suis ie bien banny de toute ioye  
Or ay ie esleu tresdouloureuse voye  
Or ay ie prins arrest trop langoureux  
Puis quil conuient q̄ de tout mō cueur soye  
De la plus belle des viuans amoureux.

Exclamation

\* Le dieu d'amours gracieux & courtois  
Si ma feru si tresruellement  
Dun traict ardent sortant de larc turquoys  
Dont il ferut Titen mortellement  
Que contrainct suis mettre totalement  
Mon poure cueur en vne noble dame  
Mais fort ie crains quelle me tace ou blasme  
Si ie luy dy mon poure & piteux cas  
Car son bon nom son bruit & bonne fame  
Me rend indigne de me mettre en ses las.  
\* Elle est noble de haulte ligne yssue  
Elle est sage & bien moriginee  
Par tout elle est tousiours la bien venue  
Par nature est a tout bien faire nee  
Fortune la de mieulx en mieulx menee  
Dieu la conserue en sa prosperite  
Mais sa douceur & son humilite  
Ont tout mon sens & mon esprit surprins  
Tant que contrainct suis par necessite  
Luy declarer que delle ie suis prins.

Damours.

\* Et si ie meurs pour dame si trelbelle  
Pour yola mourut bien Hercules  
Si fist Pirasme pour Tisbe la pucelle  
Pour Polixene fut occis achilles  
Dont si ie voys par trop amer apres  
Faire nen doy si grant delbrassement  
De moy feront en leur depriement  
Les vrays amans mention & memoire  
Car de mourir pour aymr loyaulment  
Ce me sera perpetuelle gloire.  
\* En depriant la dame si trelbelle  
Si bien fourmee si douce & gracieuse  
Quelle ait pitie de mon amour nouvelle  
Et quelle soit de ayme curieuse  
En contemplant ma douleur engoisieuse  
Que pour elle dedans mon cueur supporte  
Car de douleur tant pour elle ie porte  
Que plus nen puis sans mourir bonnement  
Et ma couleur ames yeulx sen rapporte  
Qui pour elle pleurent incessamment.

\*Complainte contre Faul-  
ces langues.

\*Cueurs fêdez vous des douleurs que ie sens  
Cueurs fendez vous de mes souspirs recens  
Cueurs fendezvous du mal qui me conturbe  
Cueurs fendez vous de mes pleurs indecens  
Cueurs fendez vo<sup>9</sup> de veoir troubler mô sês  
Cueurs fendez vous du mal qui me perturbe  
Cueurs fendez vous pleurez piteuse turbe  
Cueurs fendez vous de me veoir en ce point  
Cueurs fendez vous de soucy qui me point  
Cueurs fêdez vous de me veoir sans vigueur  
Le voys & meurs & suys en pleurs conioint  
Par faulx parler qui me tient en rigueur.

\*Rigueur me tient longuement en ces las  
Rigueur me faict prononcer mains helas  
Rigueur maintient en moy tout desconfort  
Rigueur me tient si fort que ien suis las  
Rigueur maflault par merueilleux debatz  
Rigueur me tient en viuant demy mort  
Rigueur me lie & durement me mort

Complainte contre faulces langues.

Rigueur me fiert de sa cruelle darde  
Rigueur de plainctz & de regretz me larde  
Rigueur me donne de tresp teux destours  
Rigueur desbatz & de soulas me garde  
Mais tout ce vient & procede d'amours.

\* Amours mont faict viure melencolique  
Amours mont faict inconstant fantastique  
Amours me font viure piteusement  
Amours me font confus & mortifique  
Amours me font doulant & lunatique  
Amours me font four esbatemens.

\* Ballade.

\*Cueur amonreux gentil corsage  
Tresor de toutes ioyes mondaines  
Plaisante fleur de douce ymage  
De toute honneur source & fontaine  
Vostre grant beaulte souueraine

Rolli

Balade.

Ma mys le cueur en tel esmoy  
Que ie mourray de mort soubdaine

Si vous nauez pitie de moy

\*Bouche riant courtoys langage

Chantant cler comme vne serene

Ioyeul & regard maintien tressaige

Gracieuse face est humaine

Oncques Paris neut pour helaine

Tant de trauail comme ie croy

Que ie pour vous de mal & peine

Si vous nauez pitie de moy.

\*Reconfortez double couraige

Sans me estre fiere ne haultaine

Mon cueur que tenez en seruage

Et en esperance incertaine

Toute liesse mett l'ouentaine

Dont a tousiours comme ie voy

Languiray la chose est certaine

Si vous nauez pitie de moy.

\*Princesse ioyeuse & benigne

Balade.

Meçtez mon las cueur a requoy  
Ou fault que mes iours define  
Si vous nauez pitie de moy.

\*Ballade.

**F**aulx enuieux & tristes mesdisant  
Prest a tout mal penser & conspirer  
Faulces langues de chascun mal disant  
Cesseront il iamais de murmurer  
Et mille maux chascun iour procurer  
Par leurs haine sur poures amoureux  
Ne scauroit on leur parler dangereux  
Du tout cõfondie & leur maudicte engèce  
Veu que on voit tant damans douloureux  
Mon poure cueur en meurt de desplaisance.  
\* Leur faulx parler & langage cusant  
Me font helas bien du mal endurer  
Et soustenir faictz de dueil endurer

Ballade.

Et si tresgrandz que ie ne puys durer  
De me vouloir de tous poinctz separer  
Du doulx recueil & parler sauoureux  
Et du franc cueur de tout bien plantureux  
De la belle qui soit ie croy en France  
Qui de seruir iestoyz si destreux  
Mon poure cueur en meurt de desplaisance.  
\* Finer mes Iours en regretz desplaisant  
Men fauldra brief ie ne puys differer  
Car quant ie prie se a ces vers yeux plaisans  
Le cueur me fent en deux de sospirer  
Dont suys contrainct brief la mort desirer  
Car ie congnois que trop suis malheureux  
Dauoir perdu par cas auantureux  
Mon bien mamour & toute ma plaisance  
Las ce mest bien vng regret langoureux  
Mon poure cueur en meurt de desplaisance.  
\* Prince vueillez par effort rigoureux  
Du tout confondre en gouffre tenebreux  
Ces faulces langues ien demande vengeance

Balade.

De mes amours ie suys banny par eulx  
Mon poure cueur en meurt de desplaisance.

\*Ballade.

**O** Quel regret quel amere douleur  
Quel desconfort quel tormét messe cy  
Las ce mest bien vng horrible malheur  
Malheur sans fin & douleur sans mercy  
Puis quil conuient que ie delaisse ainsi  
La fleur des fleurs du corps damours partie  
Qui ia nauroit sa grace departie  
Que ie vouldroys maintenant estre mort.  
\*Las que fera mon poure & dolant cueur  
Qui de courroux est desia si noircy  
En y pensant ie persforce & vigneur  
Vigneur nay plus ne que vng homme transy  
A mal auoir suis du tout endurcy  
Toute ma ioye est du tout amortie



Ballade.



Et ma plaifance en douleur conuertie  
Dont nul remede neſpere que la mort  
Tant eſt deſbat ma penſee diuertie  
Que ie voudroys maintenant eſtre mort.  
\* Or adieu donc ma douce & chere ſeur  
Que loyaument iay aymee ſans mauuais ſi  
Adieu conuient toute ioye & douceur  
Adieu lieſſe & tout ſoulas auſſi  
En lieu de ioye plus nauray que ſoucy  
Pour tout plaiſir douleur inadmortie  
Fortune eſt bien mon aduerſe partie  
Car de ſi pres taſche me mettre a mort  
Sans que ie puiſſe ou trouuer garentie  
Que ie voudroys maintenant eſtre mort.



\* Fin des Ballades.



Rondel de fredet.

\* Pour mettre a fin la grant douleur

Que par trop amer ie recoy

Secourez moy

Las ou autrement sur ma foy

Mes iours nauront pas grant longueur

\* Car si trestourmente ie suis

De tant dennuys

Qui sans cesser me courent seure

\* Que ie nay bons iours bonnes nuyz

Et si ne puis

Trouuer fors vous qui me sequeure

\* Aydez a vostre seruiteur

Qui est mieulx pris que par le doy

Ou mort me voy

Se ne montrez brief scauez quoy

Que vous ayez mon fait acueur.

\* Pour mettre a fin.

## Responce par Orleans


\* Pour mettre a fin vostre douleur  
Ou pour le present ie vous voy  
Descouurez moy  
Tout vostre faiët, car sur ma foy  
Ie vous secourray de bon cueur

\* Plus auant offrir ne vous puis  
Fors que ie suis  
Prest de vous ayder a toute heure

\* A vous bouter hors des ennuyz  
Que iours & nuytz  
Dictes quavec vous font demeure

\* Quant vous tenez mon seruiteur  
Et vostre douleur apparcoy  
Monstrer au doy  
On ne deuroit, se tenir quoy  
Vouloye comme son seigneur.

\* Pour mettre a fin



Rondel.

\* Oncques feu ne fut sans fumee  
Ne douloureux cueur sans pensee  
Ne reconfort sans esperance  
Ne ioyeux regard sans plaisance  
Ne beau soleil quapres nuee.

\* Iay tost ma sentence donnee  
De plus sachant soit amendee  
Ien dy selon ma congnoissance.

\* Oncques feu.

\* Esbatement nest sans R isee  
Souspir sans chose regrettee  
Souhait sans ardant desirance  
Doubte sans muer contenance  
Cest chose de vray esproouee.

\* Oncques feu.

Rondel du conte de clermont

\* Le trucheman de ma pensee  
Qui de long temps est commencee  
Va deuers vous pour exposer  
Ce que de bouche proposer  
Noze craignant destre tancee.

\* Combien que chose na pensee  
Dont eust este desauancee.  
Comme au long vous porra gloser.

\* Le trucheman.

\* Si soit par vous recompensee  
Et selon son cas auancee  
Pour mieulx se pouoir disposer  
Car plus ne pourra reposer  
Iusques la ioye ayt prononcee.

\* Le trucheman.

Rondel par maistre  
Iehan caillau.

\* Las le fault il esse ton vueil  
Fortune dont me plains & dueil  
Que tout mon temps en douleur passe  
Seuffre que iaye quelque espace  
De repos entre tant de dueil


\* Nauray ie de toy autre acueil  
Fors desdaing reproche & orgueil  
Veulx tu quen ce point ie trespasse

\* Las le fault il.

\* Le ris de bouche & pleure de dueil  
Et fays & dis. ce que ne vueil  
Ainsi ma vie se compasse  
Malheureuse chetive & lasse  
En peine & maulx dont trop recueil.

\* Las le fault il.

F.i.



## Rondeau.

\* En la forest de longue attente  
Par vent de fortune dolente  
Tant y voy abatu de boys  
Que sur ma foy ie ny congnoys  
A present ne voye ne sente,

\* Pieca y pris ioyeuse rente  
Jeunesse la paioit contente  
Or ny ay qui vaille vne nois

\* En la forest.

\* Vieillesse dit qui me tourmente  
Pour toy ny a possion ne vente  
Comme tu as eu autreffoys  
Paslez sont tes iours ans & moys  
Souffise toy & te contente.

\* En la forest.

Rondeau,


\* En la forest de longue attente  
Entree suis en vne lente  
Dont oster ie ne puis mon cueur  
Pourquoy ie vis en grant langueur  
Par fortune qui me tourmente

\* Souuent espoir chascun contente  
Excepte moy poure dolente  
Qui nuyt & iour suis en douleur.

\* En la forest.

\* Ay donc tort se me guermente  
Plus que nulle qui soit viuante  
Par dieu nenny veu mon malheur  
Car ainsi mest mon creuteur  
Quil nest peine que ie ne sente.

\* En la forest.



Rondel de fredet.

\* En la forest de longue attente  
Des brigans de soucy bien trente  
Helas ont prins mon poure cuer  
Et dieu scet se cest grant orreur  
De veoir comment on le tourmente;

\* Priant vostre ayde lamente  
Pource que chascun deulx se vente  
Quilz le merront a leur seigneur

\* En la forest.

Et pource a vous il sen guermente  
Car il voit bien quilz ont entente  
De luy faire tant de rigueur  
Quil ne sera mal ne douleur  
Se ny pouruoyez quil ne sente;

\* En la Forest.

## Rondel de Orleans


\* En la forest de longue attente  
Foruoye de ioyeuse sente  
Par la guide dure rigueur  
A este robe vostre cueur  
Comme ientens dont se lamente

\* Par dieu ien congnois plus de trente  
Qui chascun deulx sans que sen vente  
Est vestu de vostre couleur

\* En la forest.

\* Et en briefz motz sans que vous mente  
Soyez seur que ie me contente  
Pour alleger vostre douleur.  
De traicter avec le seigneur  
Qui les brigans soustient & hante.

\* En la Forest.



## Rondeau.


\* Ainsi donc dieux a mon cueur ioye  
En ce que souhaitter vouldroye.  
Et a mon penser reconfort  
Comme vouldentiers prise acort  
A soucy qui tant me guerroye.

\* Mais remede ny trouueroye  
Et qui pis est ie noseroye  
Delcourir les maux quay a tort.

\* Ainsi doit.

\* Quant ie luy dy dieu te conuoye  
Laisse men paix va ten ta voye  
Par ton enchantement & fort  
Guieres mieulx ne vault vif que mort  
Ie languis quelque part que soye.

\* Ainsi doit dieu



Rondeau.


\* Le regrette mes dolans iours  
Comme celluy la qui tousiours  
Ne fait que desirer sa mort  
Car plus vois auant & plus fort  
A croissent mes dures douleurs

\* Tant on me fait destranges tours  
Que mille foys le iour en plours  
Me fault dire par deconfort.

\* Le regrette.

\* En vous seul est mon recours  
Faiçtes dont plus tost que le cours  
Cesser le mal que seusse a tort  
Ou autrement ie me voy mort  
Et tout pour bien seruir amours.

\* Le regrette.



## Rondel de George.


\* Les seruiteurs soubz mis a obseruance  
Quoy que souuent ilz leur tourneagreuance  
De mon auoir leur plaisir a toute heure  
Touteuoiez dieu soubz qui rien ne demeure  
A telz seruans ne fist onc deceuance

\* Mais il conuient par contrainte esleuance  
Quonneur fortune ou amour les auance  
En quelque endroit & au besoing secoure.

\* Les seruiteurs.

\* Se long souffrir en penible estriuance  
Naist aux souffrans haulte & riche cheuance  
Finablement qui les paie & honneure  
Après laigret trouue on la douce meure  
Qui radoulcist en leur propre sauance.

\* Les seruiteurs.



Rondel de fredet


\* Le truchement de ma pensee  
Ceste saint valentin passee  
Iay enuoye deuers amours  
Pour luy compter les griefz douleurs  
Que souffre pour ma tant aymee.

\* Requerant ma peine alegee  
Autrement ma vie est finnee  
Comme scet bien il a maintz iours

\* Le truchement.

\* Et quant la raison eut contee  
Luy dist ta requeste magree  
Car trop leal lay veu tousiours  
Lors fut commande mon secours  
Et le mappoirta la iournee,

\* Le truchement.



## Rondeau.


\* Pour tous voz maux damour guetir  
Prenez la fleur du souuenir  
Avec le iust dune ancolye  
Et noubliez pas la soucye  
Et meslez tout en desplaisir.

\* Lherbe de loing de son desir  
Poire dangoisle pour refreschir  
Vous enuoye dieu de vostre amye

\* Pour tous voz maux.

\* Poudre de plains pour adoucir  
Fueille daultre que vous choisir  
Et racine de ialousie.  
Et de tretout la plus partie  
Mettez au cueur auant dormir.

\* Pour tous voz maux.



## Rondeau.

\* Pour brief du mal d'amer guerir  
Eslongner lair de souuenance  
Conuient sans grant merencolie  
Après tous metz m'engier loublye  
Pres du coucher pour mieulx dormir.

\* De nonchaloir pour adoucir  
\* La medecine de desir  
Prendre fault la plus grant partie.

\* Pour brief du mal.

\* Puis vng beau regime alissir  
Du vostre assez pourrez choisir  
Dune leaulte my partie  
Affin que ne rencheez mye  
Faiétes reffus d'amour bannir

\* Pour brief du mal.


Rondel de Monsieur  
de Lorraine.

\* Pour euitier plus grant danger  
Certes mon cueur il est mestier  
Puis que nous alons veoir la belle  
Que tenez mon oeil en tutelle  
Qui ne vous donne abefongner  
Commandez luy bien sans prier  
Qui ne croye riens de legier  
Dont il vous rapporte nouvelle.

\* Pour euitier

\* Et sil ne si veult obligier  
Mettez raison pour espier  
A part sa couuerte cautelle  
Car cest celluy seul qui se mesle  
De tieulx deffaultes corrigier.

\* Pour euitier.



Rondel,


\*Puis que pardeca demourons  
Nous souldongnois & beaulserons  
En la maison de fanonnières  
Souhaitez nous des bonnes cheres  
Des bourbonnois & Bourgoignons

\* Aux champs par hayez & buyflons  
Perderiz & lieures nous prendrons  
Et irons pescher sus Riuieres.

\* Puis que.

\* Liures tabliers cartes aurons  
Ou souuent estudierons  
Vins manquiers de plusieurs manieres  
Galérons sans faire prieres  
Et de donner de nous faindrons.

\* Puis que.



## Rondeau,

\* En la forest de longue attente  
Ou les contentez dieu contente  
Je vous assure sur ma foy  
Que ie ny ay eu taut soit poy  
Ioye ne bien, dont ie me sente

\* Pensez se ma vie est dolente  
Veu que ainsi fort me garmente  
Et que nul bien ny a pour moy.

\* En la forest.

\* Au fort dune chose me vente  
Se ie ne faulx a mon entente  
Ou se la mort brief ne recoy  
Que gy anray scauez vous quoy  
Aucun plaisir qui vaudra rente.

\* En la forest.

\* La table de ce present Liure,

\* Et premierement.

\* Les deux Epistres de Lamant vert contenant les dictz de la Pucelle & son Epitaphe Auecques la description de mercure & de lamant vert contenant les horreurs que ledict amant vert a veues aux Infernaulx palus apres sa mort en forme de poesie

\* Apres ensuyuent vnes Lettres missiues enuoyes par ladame a lamant, Auecques la responce de Lamant a sa Dame.

\* Aultres lettres de louenge enuoyees par la dame a Lamant.

\* Vne exclamation damours Enuoyee par lamant a sa dame, Auecques troys Ballades ioyeuses & amoureuses, Et plusieurs Rondeaux nouueaux adioutez en la fin de ce present liure, Pour recreer la personne.

\* CI FINIST CE PRE=  
 sent liure Nouuellement Impri=  
 me, Par denys & Symon  
 lanot Freres, Demou=  
 rant a Paris en la  
 Rue neufue  
 Nostre da  
 me.



97